

Uma Pido laadu müüjide kirjapanõk

Uma Pido pääväl, **2. juunil om Võro Keskliina pargin kell 9-14 UMA PIDO laat** umakandi kraami, laadulava ja tüütarriga.

Kutsumi laadulõ kauplõma Vana-Võromaa kaupuga, tulla või nii käsitüü ku söögiga. Väegä oodõt om uma keele ja vana-võromaa märgi tarvitaminõ kraami välläpanõkin, silte pääl ni välläkitmisõn. Ku vajja, saa kõrraldjide käest nõvvu küssü.

Laatu kõrraldasõ MTÜ Võluvõru ütenkuun Võro Seltsi ja Võro Instituudiga.

Laadulõ müümä saat hinnäst kirja panda: voluvoru@gmail.com

Laadu kõrralduse asjan om pernaanõ Helle Kivi, MTÜ Võluvõru voluvoru@gmail.com, info tel 5853 1062

Keelenõvvu ni teedüs Vana-Võromaa märke pruukmisõs: Külli Eichenbaum, Võro Instituut, info@umapuut.ee vai tel +372 56611924.

Vana-Võromaa märgi teedüs: <https://wi.ee/tegemise/vana-voromaa-aronguprogramm/vana-voromaa-mark/>

Oodami teid laadulõ kauplõma ni mikandi käsitüü- ja söögikultuuri näütämä!



UMA PIDO LAAT 2018: nõudmisõ kauplõmises

Laadu kotus om Võro liinan Jüri uulitsal (Tartu uulitsast kooni Vabaduse uulitsani) ja Keskliina pargin. Laat tetäs valla kell 9 ja saa läbi kell 14.

Uma Pido laadulõ om oodõt ehtsä ja ausa kaup, innekõkke saava laaduloa kauplõja ni ettevõttõ, kiä eläse ja toimõndasõ Vana- Võromaal.

Oodõt om käsitüü, meelüsse, kunst, talo- ja söögikraam, vanavara, kasvo vai midägi hoobis ummamuudu, miä om Vana-Võromaa uma ja köüdet mi eloviiega.

Väegä oodõt om, ku pruugiti VÕRO KIILT ja VANA-VÕROMAA MÄRKI ummi kaupu ja pakmiisi man (seletüse, sildi, välläkitminõ vms)

Ku vajja, saa kõrraldjide käest nõvvu küssü nii võro keele asjan ku ka Vana-Võromaa märgi pruukmisõ asjan: info@umapuut.ee.

Laat om tõtõtstõ ÖNNÕ umakandi kraami pakmisõs. Et seo peris kimmäs olnu, pallõsõ kõrraldaja ti käest kirjeldüisi (ja ku võimalik, ka pilte) minkaga ti laadulõ vällä plaaniti tulla. Vastusõ saa egä kauplõmiskotusõ küsüjä.

Kõrraldaja võiva laadul kauplõmise lua jättä andmalda noile müüjaile, kiä umma kraamist ette teedä ei anna vai kink ülesloetu kauba ei passi kõrraldajide meelest Uma Pido laadulõ.

Kotusõmass om muido 1 miitre 5 eurut, a alkoholi ja söögikraamiga kauplemisel mass 1 miitre 6 eurut.

Kauplemiskotusõ ette kirjapanõk käü kooni 15. lehekuu pääväni 2018, kotusõmassu masmisõ perämäne tärmin om 20. lehekuu päiv 2018
MTÜ Võluvõru kontole EE461010220205690221, seletüses kauplõja (inemise vai ettevõttõ) nimi ja kõrraldaja puult saadõt arvõ nummõr.
Pääle 20.05.2018 vai laadupääväl paigapääl arveldaden lätt kotusõmass katõkõrdses. Kiä hindäst ette teedä andnu olõ-i, tuu ei pruugi kauplemiskotust saiaki, ku kotuse omma joba täüs.

Kauplõja, kinkal om eeletrit vajja, piät esi tuu üten võtma. Larmi tegevast vooluallikast (generaator) tulõsi kirjapanõki aigu kõrraldajale teedä anda.

Laadul kauplõja kand esi vastust, et timä kauba ja teenüse vastasõ säädüsile ja normõlõ. Kõik lua ja õiguse ummi kaupu kotsilõ piät kauplõjal hindäl olõma ette näüdadä. Tõisile ohus olõvit kaupu müvvä ei või.

Kõik kauplõja piät kullõma ja vastavaidlemalda täütmä kõrraldaja puult antu juhatusi ja pedämä kinni laadu kõrrast. Ku kauplõja ei piä kõrrast kinni (sh muut tälle vällämärgitü kauplõmise kotust), või laadu kõrraldaja sändse tülükiskja kauplõja laadu päält vällä nõsta ja kotusemassu tagasi ei masta.

Müügikotusside kättenäütämine, kaupu kohalõtuumine ja välläsäädmine om 2. juunil 2018 ALATEN kellä 6.30 – 8.30. Kõrraldaja näütäse kätte müügiplatsi. Müügikotusõ sääd üles müüjä.

Laadu platsil om laadu aigu autudega sõitlõmine piiratu vai keeletü, täpsä juhatusõ and kõrraldaja.

Müüja hoolõs om hindä müügikotuse man hoita puhtust ja kõrda nii laadu aigu ku laadu lõppeden.

Kõrraldaja vastustasõ üldise kõrra iist laadu platsi pääl, a EI VASTUTA päsemäldä jõvvu puult tettü kahjo iist. Niisamate ei vastuta kõrraldaja laadul käüjate puult tettü kahjo iist, hukka vai kaoma lännü asju/kaupu iist.

Laadulõ kirjapanõk: voluvoru@gmail.com, info tel 5853 1062